

中國 稀見史料

廈門大學圖書館藏稀見史料(二)

【第二輯】

陳明光 侯真平 主編



廈門大學出版社
國家一級出版社 全國百佳圖書出版單位

嘉靖丁亥夏少宰燕泉何公歸
于留都舟過潯陽余遣人候之
緘一編貽余啓封公手注靖
集也且曰盍刻諸因憶昔侍
滇南嘗受讀是編米豫章塵
嘉紉每欲誦陶詩以自適檢諸



益五六十十年前陶集僅有何氏一註
粹也年來刻本甚多余獨寶此者手澤
孫其重之哉萬曆壬子夏勸書

【第二輯】 陳明光 侯真平 主編

中國稀見史料

廈門大學圖書館藏稀見史料【二】

靖節集

先生詩平典出應璩風力出左太冲物品不古
流第一嘗學孔明隱固如是也晉宋易命道不



廈門大學出版社
国家一级出版社 全国百佳图书出版单位



史坐督海運諸軍分道擊高麗平壤鏤方湏江爲水道遼東爲
陸道遣使募河南北淮南六十七州兵得四萬四千餘人詣平
壤鏤方行營又以鴻臚卿蕭嗣業爲扶餘道行軍總管帥回紇
等諸部兵詣平壤此皆由水道往後又以任雅相爲湏江道行
軍總管契苾何力爲遼東道行軍總管蘇定方爲平壤道行軍
總管與蕭嗣業及諸胡兵凡三十五軍水陸分道並進蘇定方
破高麗於湏江屢戰皆捷遂圍平壤城契苾何力率諸軍出遼
東道高麗以精兵數萬守鴨綠水諸軍不得渡何力至值冰大
合引眾乘冰度水高麗守鴨綠之師潰會有詔班師而蘇定方
圍平壤未下亦以大雪解圍而還然定方已逾湏江進至平壤

何力已逾遼澤而度鴨綠惟左驍衛將軍沃沮道總管龐於泰出沃沮道與高麗戰於蛇水之上與子十二人皆敗死諸軍有勝無敗也假使不還則高麗之平或不待再舉歟然國未有釁不可取也

高宗之再伐高麗也泉蓋蘇文卒子男生爲莫離支與弟男建男產相疑高麗內亂男生走保州城男建爲莫離支男生使其子獻誠詣闕求救於是以左驍衛將軍契苾何力爲遼東道安撫大使將兵救之以獻誠爲右武衛將軍使爲嚮導又以左金吾衛將軍龐同善營州都督高侃爲行軍總管同討高麗龐同善大破高麗兵男生率衆與同善合乃以男生爲特進遼東大

都督兼平壤道大撫大使繼又以李勣爲遼東道行軍大總管以司州少常伯郝處俊副之以擊高麗龐同善契苾何力並爲遼東道行軍副大總管兼安撫大使如故其水陸諸軍總管并運糧使竇儀積獨孤卿雲郭待封等並受勣處分勣復出遼東謂諸將曰新城高麗西邊要害不先得之餘城未易取遂攻新城新城降勣引兵進擊一十六城皆下龐同善高侃尙在新城莫離支泉男建遣兵襲新城左武衛將軍薛仁貴擊破之侃進至金山薛仁貴又破高麗於金山進拔南蘇木底蒼巖三城與泉男生軍合郭待封以水軍自別道趨平壤時高麗不知守鴨綠之險元萬傾檄文及之泉男建卽移兵守據鴨綠唐兵至不

得度李勣以薛仁貴爲前鋒仁貴將三千八百人自金山乘勝攻拔扶餘扶餘川中四十餘城望風降泉男建遣兵五萬救扶餘與勣遇於薛賀水合戰大破之進至水西拔其城諸軍出他道者皆與勣會進進至鴨綠柵高麗發兵拒戰逐北二百餘里拔辱彝城諸城潰降者相繼契苾何力先引兵至平壤城下勣軍繼之閏平壤月餘高麗王藏遣泉男產帥首領七十八人持白幡詣勣降遂克平壤高麗酋長劍岑牟立高藏外孫安舜爲主以左監門將軍高侃爲東州道行軍總管發兵討之岑牟奔新羅高侃破高麗餘衆於安市城又與高麗餘衆戰於白水山新羅遣兵援高麗侃皆擊破之燕山道總管大將軍李謹行復大破

高麗叛者於瓠落河之西餘眾皆奔新羅高麗悉平此高宗前
後用兵高麗之畧也

然百濟高麗相爲唇齒欲平高麗必先平百濟百濟旣平用新
羅夾攻出奇制勝平壤遼東二道水陸並濟糧運不竭高麗有
不平者哉高宗之伐百濟也以百濟恃高麗之援數侵新羅新
羅王春秋上表於是左武衛大將軍蘇定方爲神邱道行軍
大總管帥左驍衛將軍劉伯英等以伐百濟以春秋爲岫巒道
平軍大總管將新羅之眾與之合勢蘇定方引軍自成山濟海
擊走百濟據熊津江口拒戰之兵然後水陸並進直趨都城未
至二十里百濟傾國來戰大破之入其郭百濟王義慈及太子

隆走定方進圍其城次子泰自立爲王隆子文思帥左右踰城降百濟從之泰窘迫開門此初平百濟用兵之畧也

蘇定方旣平百濟留郎將劉仁願鎮守百濟府鎮又以左衛中郎將王文度爲熊津都督撫其餘眾百濟僧道琛故將福信聚眾據周留城迎故王子豐於倭國立之引兵圍仁願於府城乃起劉軌檢校帶方州刺史將王文度之眾使道發新羅兵以救仁願百濟立兩柵於熊津江口仁軌與新羅兵合擊破其柵道琛乃釋府城之圍退保任存城新羅糧盡引還敵勢益張復詔新羅王出兵春秋遣將金欽救仁軌爲福信邀擊敗於古泗自葛道嶺遁歸仁願與仁軌大破百濟於熊津之東拔真峴城遂

通新羅糧運之路

眞峴城之克也以右威將軍孫仁師將兵浮海助之百濟王南引倭人以拒唐兵仁師與仁願仁軌合軍勢大振諸將以加林城水陸之衝欲先攻嘉林仁軌謂加林險固急攻則傷士卒緩之則曠日持久周留虜之巢穴羣兇所聚除惡務本宜先攻之若克周留諸城自下於是仁師仁願與新羅王敏將陸軍以進仁軌與別將杜爽扶餘隆將水軍及糧船自熊津入白江以會陸軍同趨周留城遇倭兵於白江口四戰皆捷焚其舟四百艘王豐奔高麗餘眾降此再平百濟用兵之畧也

新羅初從唐討高麗百濟之役復屢出兵王法敏且將兵助戰

後高麗之破顧納其叛眾遣兵赴救據百濟故地使人守之唐乃發兵討新羅以左庶子劉仁軌爲雞林道大總管衛尉卿李弼右領軍大將軍李謹行副之仁軌大破新羅之眾於七重城又使靺鞨浮海畧新羅之南境仁軌引還以李謹行爲安東鎮撫大使屯新羅之賈肖城經畧新羅三戰皆捷新羅王遣使入貢且謝罪乃赦新羅此高麗平而及新羅水陸用兵之略也夫高麗漢四郡地太宗有易取之言然漢討朝鮮樓船將軍楊僕從齊浮渤海左將軍荀彘出遼東浮渤海從齊往者卽由今東萊濟樓船將軍先至王險王險卽平壤爲王都時漢與朝鮮以涓水爲界涓水今大同江平壤在大同北岸出遼東者卽由

今大同江濟左將軍擊朝鮮沮西軍時已逼大同江兩將軍爭
下朝鮮不越唐之青邱遼東二道而漢一舉滅朝鮮唐太宗與
隋煬帝皆未能克且隋文帝亦伐高麗矣漢王諒一軍出榆關
水軍總管周羅睺一軍自東萊汎海趨平壤水陸三十六萬而
未有功煬帝親討高麗至涿郡庾質諫其親行謂車駕留此命
猛將勁卒指授方畧倍道兼行必克此卽褚遂良諫止唐太宗
自行之意煬帝不從發兵百十三萬有奇置左右十二軍分道
並進大軍出遼東右翊衛大將軍來護兒別帥江淮水軍浮海
先濟入自沮水去平壤六十里左翊衛大將軍宇文述度鴨綠
七戰皆捷遂東濟薩水去平壤三十里皆先後引還及再駕度

遼聞楊元感反書棄甲於遼東城下三駕次懷遠鎮遣來護兒
進討至卑奢城破高麗兵將趨平壤王元乞降遂自懷遠班師
高麗固未克也

唐太宗討泉蓋蘇文謂昔隋煬帝殘暴其下高麗仁愛其民以
思亂之軍擊安和之眾故不能成功今以大擊小以順討逆以
治乘亂以逸待勞以悅當怨必勝之道有五何憂不克然成功
必待高宗者侍御史賈言忠對高宗之言曰隋煬帝東征而不
克人心離怨故也先帝東征而不克高麗未有釁也今高藏微
弱權臣擅命蓋蘇文死男建兄弟內相攻奪男生傾心內附爲
我嚮導彼之情僞靡不知之將士盡力以乘高麗之亂其勢必

克觀言忠之對太宗不克而高宗克之用兵之道固有時也傳曰兼弱攻昧取亂侮亡武之善經也孫子曰亂而取之高宗之於高麗蓋得之矣

按高麗自唐以後并有新羅百濟至明後改國號曰朝鮮自平壤徙都漢城曰漢陽府以控諸道平壤在漢陽府西四百里距鴨綠江三百里鴨綠江湏江俱在平壤西北湏江卽今大同江三江南通渤海唐伐高麗道出遼東尙從盧龍營州故道入海道則渡東萊伐百濟則自成山渡漢陽然後水陸兼進唐太宗所攻安市城爲今安州頓兵不進固爲失策亦以自將務出萬全泉蓋蘇文旣掌國權復無釁可乘師故無

功及男建兄弟相攻亂萌於內卽國破於外高麗已事然也
至我 太宗之征朝鮮由盛京進兵命貝勒阿敏率師渡鴨
綠下義州定州漢山城渡青泉江克唐太宗時所攻安市城
進師平壤渡大同江至中和黃州進逼漢陽王城成盟而還
後復背盟 太宗親征命睿親王多爾袞貝勒豪格分統滿
蒙兵從寬甸入長山口命豫親王多鐸等統前鋒徑搗國都
親率禮親王代善等諸軍渡鎮江由定州安州進臨津江乘
冰度豫親王前鋒潛襲王京李倬出逾江保南漢山城我軍
入其郡豫親王等亦定平壤來會合軍渡江圍南漢山城倬
再上書請成效順我 朝懷德畏威二百餘年近與泰西通

商開設釜山鳳山鸛山等埠立國之勢今昔不同俄虎視於
北方日鷹瞵於南面朝鮮危哉然苟無內釁猶不至遽召外
侮大院君閔妃之事其近鑒矣前車旣覆來軫方遘倘俄若
有事於朝鮮以一軍下混同江臨其北境一軍沿渤海徑搗
漢陽朝鮮豈能自保日尤長於陸戰張形勢於對馬島以嚮
釜山道全羅慶尙別遣一旅斷平壤援兵之路而載精兵直
搗漢陽王城以壓朝鮮朝鮮不能不與之媾故不折於俄卽
折於日朝鮮他屬亦中國之患也爰輯是篇以爲鑒戒焉

識

策軒文編卷四

廈門大學圖書館藏書印

書館藏書印

無錫蔣寶誠壽永簪

治鄂政書

癸卯

今之論時務者必曰自強地方吏治轉置不問此重外輕內之見也豈所謂知本者哉夫中國今日之勢固不可不求自強然日言自強而不見自強之效者以中國之積弊多也積弊在內譬諸人有腹心之疾而求手足之良也不可得矣故欲自強必先除積弊中國積弊之重數十百年相沿成習牢不可破顧積習不破則積弊不除欲破積習在於自治上下振作自治之機也故謂中國不能自治者又輕量中國之言中國積弱有素常

460867

受外侮殆皆有以召之故治今日之中國當岌岌以講內脩我
憲台慮之深懼之熟講求吏治條理秩然曰調和民教曰清
理詞訟曰矜恤獄囚曰約束書差曰緝捕盜賊曰訪拿痞棍曰
禁賭博曰杜國拐曰整飭驛站曰力行警察凡此諸端皆關政
要尤爲今日自治之本而內脩之所宜亟講者也不揣樸昧謹
遵 憲諭竊擬芻言條列於後

調和民教

天下之勢而不可治者莫如民教民教之糾紛當通之以情諭
之以理不當禁之以勢然知勢不可禁而徒爲姑息之謀不能
燭之以至明出之以至公天下仍勢而不可治至其積極且慮